

কে জানিত তুমি ডাকিবে আমারে, ছিলাম নিদ্রামগন ।
 সংসার মোরে মহামোহঘোরে ছিল সদা ঘিরে সঘন ॥
 আপনার হাতে দিবে যে বেদনা, ভাসাবে নয়নজলে,
 কে জানিত হবে আমার এমন শুভদিন শুভলগন ॥
 জানি না কখন করুণা-অরুণ উঠিল উদয়াচলে,
 দেখিতে দেখিতে কিরণে পুরিল আমার হৃদয়গগন ॥
 তোমার অমৃতসাগর হইতে বন্যা আসিল কবে,
 হৃদয়ে বাহিরে যত বাঁধ ছিল কখন হইল ভগন ॥
 সুবাতাস তুমি আপনি দিয়েছ, পরানে দিয়েছ আশা—
 আমার জীবনতরণী হইবে তোমার চরণে মগন ॥

Parjaay: Puja, Taal: Dadra, Style: Desh-Kirtan
 Visit www.geetabitan.com for notation and other detail